



«Mottakernavn»

«Adresse»

«Postnr» «Poststed»

«Kontakt»

Saksbehandlar, innvalstelefon

Maria Laingen, 71 25 85 27

## Utlysing av midlar til prosjektskjønn 2027

Statsforvaltaren inviterer kommunane i Møre og Romsdal til å søke på prosjektskjønnmidlar for 2027. Midlane skal gå til fornying og utvikling i kommunane. Dei siste åra har totalramma vore om lag 10 millionar kroner. Satsingsområdet er interkommunale samarbeid, for å bidra til å løyse omstillingsbehovet i kommunane.

Noreg har framleis store og uløyste utfordringar knytt til berekraft. Kommunane er her sentrale aktørar! Interkommunalt samarbeid kan bidra til ei meir berekraftig og innovativ oppgåveløysing. Skal ein lukkast med det, må ein også arbeide på nye måtar.

### Interkommunalt samarbeid

Nokre år tilbake vart det gjort ei kartlegging av interkommunalt samarbeid i Møre og Romsdal. Rapporten peika på eit veksande behov for samarbeid og ein fastare struktur på samarbeida. I rapporten skriv dei: «...det formaliserte samarbeidet står fram som dårleg strukturert og svakt utvikla på mange viktige tenesteområde. Dagens organisering står fram som sårbar og ikkje gjennomgåande dimensjonert ut i frå faglege kriteriar».

Knappheit på både kvalifisert personale og økonomiske midlar gjer at behovet for interkommunale samarbeid er forsterka for mange av kommunane i Møre og Romsdal. Med dette som bakteppe løyver Statsforvaltaren i Møre og Romsdal midlar til interkommunale samarbeid også for 2027.

Statsforvaltaren har styrka satsinga ved å fasilitere eit nettverk for prosjektleiarane i dei interkommunale samarbeida. Intensjonen er å få auka fart og kraft i arbeidet. Det er ulikt kor langt dei ulike regionane er komne, men vi ser allereie synergieffektar og at dei har stor nytte av kvarandre. Vi oppmodar til å bruke prosjektleiarane til å identifisere områder som eignar seg for samarbeid og sjå til arbeid gjort i andre delar av fylket.

Demografiske endringar vil krevje store økonomiske og strukturelle endringar. Det gjer at vi treng høgare innovasjonstakt i offentleg sektor. Interkommunale samarbeid kan bidra til løysinga her. Statsforvaltaren inviterer no kommunane til å søkje om prosjektskjønnsmidlar til å bygge opp under meir strukturerte og berekraftige interkommunale samarbeid. Vi oppmodar kommunane til å



samarbeide med regionen ein har grunnavtale med, ev. at fleire regionar går saman for å løyse felles utfordringar.

Føremålet med prosjektmidlane er å gje kommunane støtte til å prøve ut nye løysingar i si verksemd. Midlane skal stimulere kommunane til å kunne jobbe med utvikling og innovasjon. Prosjekta skal styrke kommunen som tenesteprodusent, myndighetsorgan, lokaldemokratisk arena eller som samfunnsutviklar, slik at oppgåvene blir løyst betre.

### **Vi prioriterer søknadar som skal støtte effektivisering og omstilling i drifta innanfor dei største sektorane.**

Alle kommunane i fylket har no inngått ein grunnavtale med nabokommunane. Vedtatt grunnavtale i kommunestyra er framleis ein føresetnad for å søke om midlar. Dette gjeld alle kommunane som er med på søknaden.

Kommunelova § 17-1 listar opp fleire former for interkommunalt samarbeid. Det kan skje til dømes gjennom eit kommunalt oppgåvefelleskap, vertskommunesamarbeid, interkommunalt selskap, aksjeselskap eller samvirkeforetak.

### **Søknadsprosedyre og -kriteria for prosjektskjønn**

Prosjektskjønnsmidlar blir tildelt etter eigne retningslinjer frå departementet.

**For å få prosjektmidlar må kommunen i søknaden vise til ein realistisk og gjennomtenkt prosjektplan. Søknaden skal skildre utfordringane, setje klare mål for prosjektet og så langt mogleg beskrive aktuelle verkemiddel eller løysingar som skal prøvast ut.**

- Store prosjekt vil bli prioriterte.
- Berre kommunar kan søke om midlar og stå som ansvarlege for prosjekta.
- Prosjekta skal skissere målsetting, metode og kva resultat ein vil oppnå.
- Søknaden må ha godkjenning frå kommunedirektør.
- Grunnavtale må vere vedtatt i alle søkarar sine kommunestyre.
- Statsforvaltaren oppmodar om at kommunane samarbeider om felles prosjekt som inkluderer heile regionen.
- Enkeltkommunar kan søke om prosjektskjønn som har stor overføringsverdi til andre kommunar.
- Krav om minst 50 prosent kommunal eigenfinansiering av prosjekta.
- Prosjektskjønnsmidlar kan ikkje tildelast oppgåver i ordinær drift eller gå til kjøp av utstyr.

Vi har som mål å gjere kjend for kommunane kva prosjekt som får skjønnsmidlar neste år samtidig som statsbudsjettet vert lagt fram. **Prosjekta kan gå over fleire år (maksimalt 3 år), men kommunane må søke for kvart år.** Kommunar som får midlar, må vere villige til å dele erfaringar frå prosjektet med andre.



### **Rapportering**

Søknad skal sendast gjennom prosjektskjønnportalen. Om de ikkje har brukar her, må de opprette brukarkonto. Dette skal gjerast for alle kommunane som er med på søknaden. Rapportering på prosjekta vert gjort i same portalen. Frist for rapportering på prosjektskjønn for 2027 vert tidleg i 2028.

### **Praktisk info**

Lenke til nettsida de sender søknad frå: <https://prosjektskjonn.statsforvalteren.no/>  
Sjå nettsida vår under kommunal styring og kommunal fornying for meir informasjon.

### **Søknadsfrist for prosjektskjønn er 1. juni 2026.**

Spørsmål knytt til prosjektskjønn kan rettast til Maria Laingen, tlf. 71 25 85 27 eller [maria.laingen@statsforvaltaren.no](mailto:maria.laingen@statsforvaltaren.no).

Med helsing

Rigmor Brøste (e.f.)  
ass. statsforvaltar

Maria Laingen  
seniorrådgivar

*Dokumentet er elektronisk godkjent*



## Mottakere:

Kristiansund kommune	Postboks 178	6501	KRISTIANSUND N
Molde kommune	Rådhusplassen 1	6413	MOLDE
Ålesund kommune	Postboks 1521	6025	ÅLESUND
Vanylven kommune	Rådhusvegen 1	6143	FISKÅ
Sande kommune	Rønnebergplassen 17	6084	LARSNES
Herøy kommune	Postboks 274	6099	FOSNAVÅG
Ulstein kommune	Postboks 143	6067	ULSTEINVIK
Hareid kommune	Rådhusplassen 5	6060	HAREID
Ørsta kommune	Dalevegen 6	6153	ØRSTA
Stranda kommune	Øyna 13	6200	STRANDA
Sykkylven kommune	Kyrkjevegen 62	6230	SYKKYLVEN
Sula kommune	Postboks 280	6039	LANGEVÅG
Giske kommune	Valderhaug 4	6050	VALDERØY
Vestnes kommune	Rådhuset Brugata 10	6390	VESTNES
Rauma kommune	Vollan 8 A	6300	ÅNDALSNES
Aukra kommune	Kommunehuset Nyjordvegen 12	6480	AUKRA
Averøy kommune	Postboks 152, Bruhagen	6538	AVERØY
Gjemnes kommune	Nordmørsvegen 24	6631	BATNFJORDSØRA
Tingvoll kommune	Midtvågvegen 2	6630	TINGVOLL
Sunndal kommune	Postboks 94	6601	SUNNDALSØRA
Surnadal kommune	Bårdshaugvegen 1	6650	SURNADAL
Smøla kommune	Postboks 34	6571	SMØLA
Aure kommune	Postboks 33	6689	AURE
Volda kommune	Stormyra 2	6100	VOLDA
Fjord kommune	Postboks 144	6211	VALLDAL
Hustadvika kommune	Tingplassen 1	6440	ELNESVÅGEN
Haram kommune	Postboks 33	6282	BRATTVÅG